

ACTA DA SESIÓN EXTRAORDINARIA CELEBRADA POLA COMISIÓN INFORMATIVA PERMANENTE DE ECONOMÍA E FACENDA, PROMOCIÓN ECONÓMICA, COMERCIO E ESPECIAL DE CONTAS O DÍA 11 DE MARZO DE 2019 ÁS 14:00 HORAS.

Sendo as catorce horas (14.00) do día 11 de marzo de 2019, reúnese en sesión extraordinaria convocada ao efecto a Comisión Informativa Permanente de Economía e Facenda, Promoción Económica, Comercio e Especial de Contas, coa asistencia das/os concelleiras/os que de seguido se indican.

Concelleiras/os asistentes:

Grupo municipal Popular	Francisco Javier Olmo Olmo
Grupo municipal Socialista	José Manuel Miñones Conde
Grupo municipal IC- Ames Novo	Enrique Costas Bastero
Grupo municipal Contigo Pódese	Genma Otero Uhía
Grupo municipal Pacto X Ames	Emilio Martínez Carballeira
Grupo municipal BNG-Asembleas Abertas	David Santomil Mosquera
_____	_____

Actúa como **presidente**, José Manuel Miñones Conde e como **secretaria**, a titular da Corporación, Rosa Ana Prada Queipo. Asiste a **interventora**, Margarita Fernández Sobrino.

ORDE DO DÍA:

Punto primeiro.- Aprobación inicial orzamento municipal 2019.

(.....)

No momento de tomar a palabra o concelleiro do grupo municipal popular, **Francisco Javier Olmo Olmo**, solicita que conste en acta a súa intervención completa que resulta ser do teor literal seguinte: Non puiden analizar toda a documentación por falta de tempo e tamén por falta de medios porque o venres quedamos sen toner; pedímolo hoxe pola mañá e nos gustaría, si pode ser, telo mañá para poder imprimir o que consideremos oportuno de toda esta documentación.

Despois, dúas cousas, o DUSI é unha parte importante e relevante deste orzamento e cando tivemos a última reunión do DUSI pedimos que nos remitisen uns excells que había aquí sobre o tema da execución, o nivel de execución e as diferentes actuacións. Previamente xa o pedíramos, tamén por escrito; o do excell fixémoslo verbalmente na reunión que tivemos, pero previamente tamén pedimos por escrito unha serie de actuacións, que se nos informase sobre o estado da liquidación etc.. Nos gustaría tamén que antes do pleno, si pode ser, nos fagan chegar esa documentación e sobre todo o que xa esta feito, iso por unha parte. Por outra parte, tamén habíamos pedido unha documentación relacionada coas sentenzas do persoal laboral da EMMA, queremos saber en qué situación se atopa, o que está pendente o que non está pendente, o que se pagara e o que non se pagara, e despois pedimos un informe económico sobre o tema da EMMA.

Eu no que puiden ver non son capaz de identificar os gastos vinculados á EMMA, non sei si teñen un apartado concreto, un programa concreto, un subprograma concreto, non digo que non estean, dende logo.

Intervén a **Interventora** para dicir: A EMMA esta incluída dentro da area 338 que é a de Cultura, aí vai todo o de Cultura; se o que queres ver son os gastos da EMMA, por exemplo os de persoal, si que podes velos diferenciados. Este ano como se modificou a RPT están incluídos no cadro de persoal laboral fixo, hai un apartado dentro de Cultura que pon Escola Municipal de Música e aí están todos os gastos do persoal. Os gastos correntes si que están mesturados en esa area de gasto 338; se os queres individualizado, habería que filtralos.

Pregunta **Francisco Javier Olmo**: Hai posibilidade de velo?

Contesta a **interventora**: Podería facerse un informe.

Intervén **Francisco Javier Olmo**: Non fai falta que sexa un informe, nos nestes días que quedan antes do pleno

podemos quedar contigo e ti nos proporcionas esa información?.

Contesta a **interventora**: Isto normalmente o ten que dicir o alcalde, eu teño que facer filtros en contabilidade.

Intervén **Francisco Javier Olmo**: Cando poderíamos por exemplo reunirmos contigo, non so para iso, senón para máis cousas relacionadas co orzamento?.

Contesta a **interventora**: Polo orzamento esta semana eu vou a estar todos os días pola mañá, en calquera momento a partir das nove e media da mañá. Para dúbidas do orzamento que non me levan tempo sen problema e se son cousas que me levan máis tempo buscar vos pediría que mo solicitarades cun pouco de tempo.

Intervén **Francisco Javier Olmo**: A medida que vaíamos vindo a documentación: seguramente sería para o último día, porque a medida que vaíamos vendo a información teremos as dúbidas.

Intervén a **Interventora**: Calquera día a partir das nove e media estou no meu despacho

Intervén **Francisco Javier Olmo**: Pois nada máis pola nosa parte.

Intervén o **alcalde**: Esta Alcaldía non vai a mercar ese discurso de falta de tempo, nin vamos a paralizar un servizo básico como é o servizo de Intervención para que vostedes fagan o seu traballo que é consultar documentación que esta recollida nese documento de orzamento; polo tanto, por si queda algún tipo de dúbida a mesma terá que solicitala vía Alcaldía, é dicir, a través de Gabinete e se lles dará permiso ao respecto para esas consultas, para iso existe unha comisión precisamente para esas dúbidas que se poidan ter. Toda a documentación esta recollida neses papeis e polo tanto so hai que buscala, atopala e filtrala. Hai máis dunha semana de tempo para estudar a documentación. Eu tiven menos tempo para estudar outros orzamentos aquí neste concello e, polo tanto, creo que é tempo máis que suficiente, legal, establecido, ademais de unha comisión. Si quere ter algún tipo máis de información ou ten algunha dúbida non haberá problema en darlles permiso para que fagan esa consulta pero non para que bloqueen o departamento

Intervén **Francisco Javier Olmo**: Pois para a comisión informativa non tivemos o tempo suficiente, e a comisión informativa é para algo, non?. Contéstennos vostedes aos escritos, por exemplo o escrito do 10 de xaneiro de 2019 que fai referencia a todo o tema relacionado coa DUSI, e tamén o escrito de 11 de setembro que xa pasou tempo máis que prudencial para contestar e está relacionado coa EMMA.

Contesta o **alcalde**: O relacionado coa EMMA foi a un pleno, toda a documentación relativa a esa modificación da RPT, polo tanto, esta contestada nese pleno porque vai toda a documentación da RPT con todos os saldos. E no que é o orzamento, na base do orzamento, así como na xuntanza que se fixo da DUXI se lle dou explicación de todo o relacionado coa DUSI.

Intervén **Francisco Javier Olmo**: Vainos mandar vostede o solicitado?.

Contesta o **alcalde**: Non sei, porque é unha información interna que ten o técnico, non é unha documentación de traballo

Intervén **Francisco Javier Olmo**: O técnico tivo unha primeira intervención, puxo un power point, nos non pedimos iso; nos pedimos o excell que tiña vostede.

Contesta o **alcalde**: Esta recollido no orzamento, están recollidas todas as actuacións cos créditos de cada unha delas no orzamento.

Intervén **Francisco Javier Olmo**: Non ven así.

Contesta o **alcalde**: Si, si que ven.

(.....)

Tras un breve cambio de impresións o asunto é ditaminado favorablemente por maioría absoluta cos votos a favor de José Manuel Miñones Conde, Genma Otero Uhía, David Santomil Mosquera e Enrique Costas Bastero a abstención do resto dos asistentes á Comisión Informativa.

E non habendo máis asuntos de que tratar o señor presidente da por rematada a sesión ás catorce horas e vinte e cinco minutos do día de referencia de todo o que eu, como secretaria, certifico.

Vº e praxe
O presidente

A secretaria

José Manuel Miñones Conde

Rosa Ana Prada Queipo